



Broj:  
Sarajevo: 28.7.2020.

**PREDSTAVNIČKI DOM**  
**PARLAMENTARNE SKUPŠTINE**  
**BOSNE I HERCEGOVINE**  
n/r predsjedavajućeg

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	28-07-2020		
Organizaciona jedinica	Klasifikaciona oznaka	Redni broj	Broj priloga
01-	50-7-15-12/20		

U skladu sa članom 166. i 170. Poslovnika Predstavničkog doma Parlamentarne skupštine BiH („Službeni glasnik BiH“ br. 79/14, 81/15 i 97/15) postavljam sljedeća

### POSLANIČKA PITANJA

1. Da li nadležni organi u Bosni i Hercegovini preduzimaju mjere za smanjenje i uništenje ambrozije? Ako poduzimaju, koje su mjere poduzete da se smanji i uništi ambrozija u vrijeme njenog najintenzivnijeg cvjetanja?
2. Kakvi su rezultati postignuti obzirom da veliki broj odraslih i djece ima problem sa alergijom i teskoće sa disanjem čemu pored ostalih doprinosi i ova biljka?

#### Образложење:

Ambrozija je jednogodišnja zeljasta biljka, koja naraste od 1 do 1,5 metar. Korijen joj je u obliku vretena i dosta jak. Stablo joj je uspravno, razgranato i gusto prekriveno sitnim dlačicama. Listovi su naspramni, perasto dijeljeni u uske režnjeve, maljavi, tamno zelenog lica i sivozelenog naličja. Cvijetovi su skupljeni u jednopolne glavičaste cvasti na vrhu stabla i grana. Muški cvjetovi su blijedožuti, cjevasti, sakupljeni u poluloptaste, viseće, guste cvati u obliku klāsa. Ženske cvati se formiraju u pazuhu gornjih listova, ispod muških cvati, sa pojedinačnim cvjetovima. Plod je ahenija u kojoj se nalazi sjeme. Razmnožava se sjemenom, a sjeme se širi posredstvom čovjeka i vjetrom.

Polen ambrozije je jedan od najjačih poznatih alergenata. Sluznica organa za disanje je kontaktno mjesto gdje polen kod osjetljivih bolesnika pokrene alergijsku reakciju. Kao manifestacija alergije javlja se crvenilo očiju, suzenje, začepljenje nosa, svrab u nosu, kihanje, kašalj, otežano disanje, astma i promjene na koži i probavi. Prag koji izaziva alergijske reakcije je vrlo nizak, manje od 20 polenovih zrna po kubnom metru zraka. Danas se smatra da je oko 10% stanovništva alergično na polen ambrozije.

Štetnost ambrozije u poljoprivredi je velika, jer ona, zahvaljujući svom izuzetno jakom korjenskom sistemu i bujnoj vegetativnoj masi, iz zemljišta iznosi velike količine hranjivih materija, prouzrokujući time osiromašenje zemljišta. Osim toga, ambrozija je veoma jak kompetitor, zbog čega doprinosi značajnom smanjenju prinosa i kvaliteta biljnih kultura.

U Federaciji Bosne i Hercegovine na snazi je Odluka Vlade Federacije Bosne i Hercegovine o mjerama za sprečavanje širenja i uništavanja korovske biljne vrste -AMBROSIA ARTBMISIIFOLIA L. (Ambrozija) iz 2011. godine. Navedenom Odlukom Vlade Federacije BiH, propisane su agrotehničke, mehaničke i hemijske mjere, koje se na teritoriji Federacije BiH trebaju preduzimati na sprečavanju širenja i uništavanja ambrozije i kojom su utvrđene obaveze kako za

vlasnike i korisnike poljoprivrednog, šumskog, građevinskog i ostalog zemljišta, subjekte, koji održavaju javne površine, tako i za mjerodavne organe uprave iz oblasti poljoprivrede, vodoprivrede i šumarstva u kantonima na području Federacije Bosne i Hercegovine. Za nadzor nad sprovođenjem ove Odluke nadležni su mjerodavni inspektorati Federalne uprave za inspeksijske poslove, mjerodavni inspektorati kantonalnih inspeksijskih uprava, kao i nadležni gradski odnosno općinski inspektori, sukladno važećim federalnim, kantonalnim i propisima lokalne samouprave općine odnosno grada,

**Kada je u pitanju Republika Srpska, i Vlada Republike Srpske je 2007. godine usvojila Odluku o mjerama za sprečavanje širenja i uništavanja korovske biljne vrste -AMBROSIA ARTBMISIIFOLIA L. (Ambrozija). I ovom Odlukom su, kao i odlukom Vlade Federacije Bosne i Hercegovine propisane mjere za sprečavanje širenja i uništenje ambrozije, a za nadzor nad njenim provođenjem nadležno je Ministarstvo poljoprivrede, šumarstva i vodoprivrede i nadležne inspekcije.**

Dakle, propise koji uređuju pitanje sprečavanja širenja i uništavanja ambrozije imamo na Entitetskim nivoima, ali ih nemamo na nivou Bosne i Hercegovine, zbog čega izostaje zajednička akcija i koordinacija.

Pitam nadležne šta su učinili i šta namjeravaju učiniti po pitanju sprečavanja širenja i uništavanja ambrozije. S obzirom na broj nadležnih ministarstava, inspektorata i ostalih učesnika u sprečavanju i suzbijanju širenja ambrozije, molim da mi se dostave objedinjeni odgovori na ovo moje zastupničko pitanje.

**Pitanja postavljam Vijeću ministara Bosne Hercegovine, Vladi Federacije Bosne i Hercegovine i Vladi Republike Srpske.**

Odgovor tražim u pisanoj formi, u skladu sa članom 171. Poslovnika Predstavničkog doma Parlamentarne skupštine BiH.

Zastupnica SDP BiH  
Nada Mladina

